

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 39. stav (5) i člana 52. stav (1) i (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), na prijedlog Ministarstva zdravstva, Vlada Zeničko-dobojskog kantona, na 75. sjednici, održanoj dana 04.04.2025. godine, d o n o s i

O D L U K U

o usvajanju Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“-Izvor 10 Budžeta Zeničko-dobojskog kantona za 2025. godinu

Član 1.

(Predmet)

Usvaja se Program utroška sredstava u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100 – „Kapitalni transferi drugim nivoima vlasti - za zdravstvo“ – Izvor 10 Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), u ukupnom godišnjem iznosu od 5.000.000,00 KM (slovima: petmiliona konvertibilnih maraka) koji čini sastavni dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-6834/25

Datum, 04.04.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava Ministarstva zdravstva na poziciji „Kapitalni transferi drugim
nivoima vlasti - za zdravstvo“ - Izvor 10
Budžeta Zeničko-dobojskog kantona za 2025. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2025. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100 „Kapitalni transferi drugim nivoima vlasti - za zdravstvo“- Izvor 10.

II. SVRHA PROGRAMA

Svrha ovog programa je finansiranje zakonske obaveze za zdravstvene ustanove kojima je osnivač Zeničko-dobojski kanton, te finansiranje investicionih projekata i nabavka neophodne opreme u zdravstvenim ustanovama kojima su osnivači gradovi/općine kao doprinos poboljšanju kvaliteta zdravstvene zaštite u cjelini.

Izdavanjem sredstava za namjene utvrđene Programom doprinosi se realizaciji programa iz Strategije razvoja Zeničko-dobojskog kantona za period 2021.-2027. godine pod nazivom „Unapređenje kvaliteta i načina pružanja usluga“, tj. doprinosi se:

- a) podizanju zdravstvene zaštite na viši nivo kroz nabavku neophodne medicinske i nemedicinske opreme,
- b) jačanje promotivno- preventivnih programa,
- c) obnavljanju zastarjele opreme,
- d) humanizaciji uslova za boravak pacijenata i povećanju zadovoljstva zdravstvenih radnika,
- e) poboljšanim uslovima rada i boravka u prostorima namjenjenih liječenju pacijenata kroz izgradnju i adaptaciju novih i postojećih građevinskih objekata,
- f) smanjenju odliva sredstava u druge kantone za pružene zdravstvene usluge u drugim zdravstvenim ustanovama.

III. VISINA SREDSTAVA

Sredstava utvrđenih ovim programom iznose na godišnjem nivou 5.000.000,00 KM (slovima: petmiliona konvertibilnih maraka).

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100 - „Kapitalni transferi drugim nivoima vlasti - za zdravstvo“-Izvor 10.

Ukupno planirana sredstva u koloni Budžeta, Izdaci iz budžeta- Izvor 10, na poziciji budžeta „Kapitalni transferi drugim nivoima vlasti - za zdravstvo“, realizovat će se dijelom iz budžetskih sredstava i dijelom iz sredstava primljenih tekućih transfera Vlade Federacije Bosne i Hercegovine (potpore iz Budžeta Federacije Bosne i Hercegovine), u skladu sa Odlukom koju će donijeti Vlada Zeničko-dobojskog kantona, na prijedlog Ministarstva finansija o visini i namjeni utroška sredstava.

V. KORISNIK SREDSTAVA

Korisnici Programa su javne zdravstvene ustanove sa područja Zeničko-dobojskog kantona.

Cijeneći svoje zakonske obaveze kao osnivača zdravstvenih ustanova, kao i obavezu unapređenja zdravstvene zaštite u ustanovama kojima Vlad Kantona nije osnivač, potrošnja planiranih sredstava za kapitalne transfere za zdravstvo iz Budžeta Zeničko-dobojskog kantona za 2025. godinu odnosi se na:

1. Kapitalne transfere JU Kantonalna bolnica Zenica u iznosu 3.865.000,00 KM ili 77,3% planiranih sredstava,
2. Kapitalne transferi domovima zdravlja za nabavku neophodne medicinske opreme u iznosu 542.500,00 KM ili 10,8% planiranih sredstava,
3. Kapitalne transfere domovima zdravlja za građevinske radove na izgradnji i adaptaciji objekata sa opremanjem u iznosu 476.400,00 KM ili 9,5% planiranih sredstava i
4. Kapitalne transfere za nabavku hidrauličnih ginekoloških stolova za pregled žena sa invaliditetom u iznosu 116.100,00 KM ili 2,3% planiranih sredstava.

VI. KRITERIJ ZA RASPODJELU SREDSTAVA

Kriteriji raspodjele sredstava su:

1. **Program utroška sredstava JU Kantonalna bolnica Zenica koji je dopisom broj: 01-11-1967/25 od 18.03.2025. godine** za dio planiranih sredstava za ovu zdravstvenu ustanovu dostavljen Ministarstvu zdravstva, a obuhvata sljedeće nabavke:

Red. br.	Vrsta ulaganja	Iznos u KM
1.	Nadogradnja informacionih sistema na Odjelu radiologije i Odjelu patologije	2.808.000,00
2.	Idejni projekat sa studijom izvodljivosti za izgradnju novog objekta Kantonalne bolnice	300.000,00
3.	Nabavka medicinske opreme	757.000,00
UKUPNO (1+2+3)		3.865.000,00

JU Kantonalna bolnica Zenica dopisom broj: 01-11-716/25 od 30.01.2025. godine obratila se Ministarstvu zdravstva za obezbjeđenjem sredstava za nadogradnju informacionih sistema na Odjelu radiološke dijagnostike i Odjelu patologije. U dopisu je navedeno da se na Odjelu radiološke dijagnostike radi o zastarjeom informacionom sistemu (iz 2009. godine) koji ne podržava savremene softverske mogućnosti novih aparata, što utiče na kvalitet i vrijeme eksportovanja slika, a samim tim i na vrijeme izdavanja nalaza, dok za Odjel patologije nije ni bio nabavljen specijalizirani softver. Kako se radi o odjelima koji pružaju dijagnostičke usluge za veliki broj pacijenata rješavanje sistemskog povezivanja se smatra prioritarnim. Sistemskim rješenjem – nabavkom novih softverskih rješenja i opreme za digitalizaciju na Odjelu patologije i nadogradnjom već postojećeg PACS sistema na Odjelu radiološke dijagnostike (IMPAX) bi se ubrzao proces rada, poboljšali radni uslovi i dugoročno unaprijedio rad ova dva odjela. JU Kantonalna bolnica Zenica naglašava da je planirana nadogradnja u potpunosti kompatibilna sa postojećim softverima, odnosno da softver ispunjava DICOM i HL7 standarde.

U Program javnih investicija Zeničko-dobojskog kantona za 2025.-2027. godinu uključen je kao projektana ideja Projekat izgradnja novog objekta Kantonalne bolnice Zenica. Za izradu idejnog projekta sa studijom izvodljivosti za navedeni projekat planirana su sredstva u iznosu 300.000,00 KM.

2. Kapitalne transferi domovima zdravlja za nabavku neophodne medicinske opreme

U skladu sa raspoloživim sredstvima u Budžetu Zeničko-dobojskog kantona i iskazanim zahtjevima domova zdravlja u 2025. godini pri izradi budžetskog zahtjeva Ministarstva zdravstva za 2025. godinu, kao i zahtjevima iskazanim kroz dostavljanje podataka o prioritetnim nabavkama za realizaciju projekta Poboljšanja zdravstvenih sistema u FBiH-HSIP, iz Budžeta Zeničko-dobojskog kantona za 2025. godinu će se finansirati:

Rbr.	Naziv ustanove	Svrha nabavke	Planirana sredstva
1.	JU „Dom zdravlja“ Zavidovići	hematološki brojač	21.500,00
2.	JU „Dom zdravlja“ Zavidovići	aparat za centrifugiranje uzoraka krvi	13.000,00
3.	JU „Dom zdravlja sa stacionarom“ Kakanj	višenamjensko vozilo	70.000,00
4.	JU „Dom zdravlja sa stacionarom“ Kakanj	defibrilator	35.000,00
5.	JU „Dom zdravlja sa stacionarom“ Žepče	nadogradnja radiografskog i mamografskog sustava	110.000,00
6.	JU Dom zdravlja Vareš	biohemijski analizator	36.000,00
7.	JU Dom zdravlja Vareš	RVG senzor u RTG kabinetu	7.000,00
8.	JU „Dom zdravlja“ Maglaj	stomatološka stolica	50.000,00
9.	JU Dom zdravlja sa stacionarom Olovo	digitalni mamograf	200.000,00
UKUPNO			542.500,00

3. Građevinski radovi na izgradnji i adaptaciji domova zdravlja u cilju poboljšanja uslova rada i podiznja nivoa zdravstvene zaštite u iznosu 476.400,00 KM

U skladu sa raspoloživim sredstvima u Budžetu Zeničko-dobojskog kantona i iskazanim zahtjevima domova zdravlja u 2025. godini Vlada Kantona će finansirati:

- Rekonstrukcija ambulante porodične medicine u naselju Šije, **JU Dom zdravlja „Izudin Mulabećirović-Izo“ Tešanj** (zamjena krova, vanjske stolarije na prvom spratu, izrada fsade, limarski radovi-oluci i izmještanje unutarnjih stepenica) u iznosu **93.000,00 KM**,
- Rekonstrukcija ambulante porodične medicine u naselju Tešanjka, **JU Dom zdravlja „Izudin Mulabećirović-Izo“ Tešanj** (zamjena krova, izrada fasade, limarski radovi-oluci, ugradnja lifta, unutrašnje uređenje prostora) u iznosu **107.000,00 KM**,
- Izgradnju zgrade hitne medicinske pomoći u Brezi -I faza u iznosu **100.000,00 KM** i
- Opremanje unutrašnjeg postora i nabavku neophodne medicinske opreme nakon završetka I faze rekonstrukcije zgrade JU „Dom zdravlja“ Visoko u iznosu **176.400,00 KM**.

JU Dom zdravlja „Izudin Mulabećirović-Izo“ Tešanj kod izrade budžetskog zahtjeva Ministarstva zdravstva za 2025. godinu obratila se sa zahtjevom za finansiranjem rekonstrukcije ambulanti porodične medicine u naseljenim mjestima Šije i Tešanjka ukupne vrijednosti 350.000,00 KM. Dopunom zahtjeva broj: 01-04-5-1289-3/24 od 21.03.2025. godine utvrđene su vrijednosti i dinamika realizacije za oba projekta i pojedinačno učešće Općine Tešanj i JU Dom zdravlja „Izudin Mulabećirović-Izo“ Tešanj na sljedeći način:

Rbr.	Projekat	Ukupna vrijednost	Izvori finansiranja		
			Ministarstvo zdravstva Ze-do kantona	Općina Tešanj	JU Dom zdravlja „Izudin Mulabećirović-Izo“ Tešanj
1.	Rekonstrukcija ambulante porodične medicine u naselju Šije	167.500,00	93.000,00	50.000,00	24.500,00
2.	Rekonstrukcija ambulante porodične medicine u naselju Tešanjka	182.500,00	107.000,00	50.000,00	20.500,00
Ukupno		350.000,00	200.000,00	100.000,00	50.000,00

Za realizaciju navedenih projekata zaključit će se sporazum o zajedničkom finansiranju između Ministarstva Zeničko-dobojskog kantona, Općine Tešanj i JU Dom zdravlja „Izudin Mulabećirović-Izo“ Tešanj, nakon čega će se donijeti odluke o odobravanju sredstava.

JU „Dom zdravlja“ Breza kod izrade budžetskog zahtjeva Ministarstva zdravstva za 2025. godinu obratila se sa zahtjevom za finansiranjem izgradnje drugog sprata centralnog objekta JU Dom zdravlja Breza. Svojim dopisom broj: 01-339/2025 od 05.03.2025. godine, a zbog tehničkih nemogućnosti dogradnje drugog sprata, JU „Dom zdravlja“ Breza je uputio zahtjev za finansiranjem izgradnje zgrade hitne medicinske pomoći. Prema podacima iz idejnog projekta izgradnje hitne medicinske pomoći procijenjena vrijednost potrebnih sredstava za izgradnju objekta je 1.050.000,00 KM. Navedeni projekat bi se finansirao iz sredstava osnivača (Općina Breza) u iznosu 200.000,00 KM, iz sredstava Budžeta Zeničko-dobojskog kantona u iznosu od 400.000,00 KM, a preostali iznos iz vlastitih sredstava. Imajući u vidu dinamiku realizacije projekta iz Budžeta Zeničko-dobojskog kantona za 2025. godinu će se finansirati iznos od 100.000,00 KM, a iz Budžeta Općine Breza 100.000,00 KM, a u 2026. godini iz Budžeta Zeničko-dobojskog kantona iznos od 300.000,00 KM, a iz Budžeta Općine Breza 100.000,00 KM, o čemu će se zaključiti poseban sporazum o zajedničkom finansiranju između Ministarstva zdravstva Zeničko-dobojskog kantona, Općine Breza i JU „Dom zdravlja“ Breza, nakon čega će se donijeti odluka o odobravanju sredstava.

Gradsko vijeće Visoko, na osnovu Elaborata o ocjeni postojećeg stanja objekta hitne medicinske pomoći u sklopu JU „Dom zdravlja“ Visoko donijelo je Odluku o rekonstrukciji zgrade JU „Dom zdravlja“ Visoko broj: 02/1-02-298/23 od 26.10.2023. godine („Službeni glasnik Grada Visoko“, broj: 9/23) i broj: 02/1-02-117/24 od 25.04.2024. godine.

JU „Dom zdravlja“ Visoko kod izrade budžetskog zahtjeva Ministarstva zdravstva za 2025. godinu obratila se sa zahtjevom za finansiranjem građevinskih radova na objektu Centar za mentalno zdravlje JU „Dom zdravlja“ Visoko (90.000,00 KM). Svojim dopisom broj: 0874/25 od 05.03.2025. godine JU „Dom zdravlja“ Visoko je odustao od prethodno navedenih građevinskih radova, a uputio zahtjev za opremanje i nabavku neophodne medicinske i druge opreme. U svom dopisu broj: 1032/25 od 17.03.2025. godine JU „Dom zdravlja“ Visoko navodi da će sredstva za rekonstrukciju postojeće zgrade obezbijediti privrednici Grada Visoko, koja prema urađenom glavnom projektu iznose 2.184.386,77KM. U 2025. godini se očekuje završetak I faze rekonstrukcije postojeće zgrade (obuhvata prostor

hitne medicinske pomoći), a za opremanje rekonstruisanog prostora su neophodna sredstva u iznosu **176.400,00 KM**.

4. Inicijativa Vijeća Ministara Bosne i Hercegovine, Vijeća za osobe sa invaliditetom BiH za nabavkom hidrauličnih ginekoloških stolova za pregled žena sa invaliditetom

Ministarstvo zdravstva Zeničko-dobojskog kantona zaprimilo je od Vijeća Ministara Bosne i Hercegovine, Vijeća za osobe sa invaliditetom BiH akt broj: 07-37-1-216-27/24 od 07.11.2024. godine kojim je pokrenuta inicijativa za nabavkom hidrauličnih ginekoloških stolova za pregled žena sa invaliditetom u svim zdravstvenim ustanovama, što je u skladu sa UN Konvencijom o pravima osoba sa invaliditetom, čiji je potpisnik i Bosna i Hercegovina. Imajući u vidu opravdanost navedene inicijative iz sredstava Budžeta Zeničko-dobojskog kantona za 2025. godinu planirana su sredstva u iznosu **116.100,00 KM** za nabavku hidrauličnih ginekoloških stolova za potrebe javnih zdravstvenih ustanova u Zeničko-dobojskom kantonu.

Transferisanje sredstava korisnicima ovog Programa vršit će se u skladu sa pojedinačnim odlukama Vlade Zeničko-dobojskog kantona o odobravanju sredstava.

5. IZVJEŠTAVANJE KORISNIKA

Javne zdravstvene ustanove korisnici programa dužne su izvijestiti Ministarstvo zdravstva o namjenskom utrošku sredstava na način kako će biti određeno pojedinačnim odlukama o odobravanju sredstava.

6. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 25/24) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-6834/25

Datum, 04.04.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.